

lis axillaribus, subunifloris; petala sepalis, acutis vix nervosis longiora. Hab. locis umbrosis, subuliginosis Lappon. Tornensis ad Karesuando frequenter. Ut *St. uliginosa* locis siccis ad *St. gramineam*, sic *graminea* locis uliginosis ad uliginosam vergere videtur. *Barbarea vulgaris* var. *fontana*, siliquis filiformibus, planiusculis, nervo dorsali obsoleto. Hab. locis aquoso-spongiosis circa fontes frigidas. Hujus siliquæ omnino *B. præcoci* sunt, at folia et habitus *B. vulgaris*; periculum est, ne omnes sic dictas species *Barbareae* annihilare possit. Nam *B. patens* locis aridis, duris, quasi indurata, siliquis brevioribus obvenit, et quia semina his locis citius maturescunt vel etiam grandescunt, extenduntur valvulae siliquarum, unde tetragonæ factæ sunt. At locis aquosis gracilescit planta, luxuriant folia; semina sero maturanda, etiam minora sunt, vi legis naturæ, de qua supra (§. 27) diximus: detrahi fructui, quo magis vigeant folia, cujus rei exempla in aliis vegetabiliis exstant (Cfr. quæ Wahlenb. in Sv. Bot. de Nasturtiis agit, Tab. 694 et seqq., quo quidem loco multa præclare de plantis amphibus exposuit). Ut *Nasturtium palustre* siliquis turgidioribus; quia locis jam media æstate exsiccatis, et *Nasturtium sylvestre* siliquis gracilesentibus, quia locis subaquosis sterilissimisque nascitur, ita *Barbarea* locis aquosis vel tota